



Broj 1296/10

Dana 10.novembar 2010.godine

Predmet - Inicijativa
- Djeca na internetu,

Djeca, prema UN Konvenciji o pravima djeteta imaju pravo na zaštitu privatnosti i pravo na zaštitu od svih oblika nasilja, zloupotrebe, zanemarivanja i nemarnog odnosa.

Država ima obavezu preduzeti sve potrebne zakonodavne, administrativne, socijalne i obrazovne mjere radi obezbjeđenja ovog prava za svako dijete.

Internet omogućava djeci danas ostvarivanje mnogih prava, ali istovremeno mnoga njihova prava upravo na internetu mogu biti i povrijeđena i ugrožena.

Da bi djeca od interneta dobila samo ono što jesu prednosti ovog vida komunikacije, a da istovremeno izbjegnu sve opasnosti i rizike u koje mogu doći djecu moramo zaštititi.

Djecu ćemo zaštititi samo ako ih naučimo sigurnom i odgovornom korištenju interneta.

Učiti djecu o njihovim pravima znači istovremeno učiti ih i njihovoj odgovornosti u svim situacijama pa i onim na internetu.

Roditelji i škola moraju zajedno prepoznati problem i tražiti rješenja.

Institucija je u namjeri da pomogne prije svega djeci, ali i roditeljima i školi u zaštiti djece od zloupotreba putem interneta pokrenula inicijativu da zajedno sa Agencijom za informaciono društvo Republike Srpske, a uz pomoć profesora sa Fakulteta političkih nauka i Filozofskog fakulteta uspostavi web stranicu- djeca na internetu i istovremeno štampa prigodnu brošuru. I web stranica i brošura bili bi namjenjeni djeci svih uzrasta, ali i roditeljima i nastavnicima o tome šta su prednosti i rizici interneta, kako prepoznati situacije i što je vrlo važno kako reagovati.

Web stranica i brošura trebale bi biti prezentovane 8.februara 2011.godine na Dan sigurnog interneta.

Ombudsman za djecu RS
mr Nada Grahovac